

ديوان البشائر

مجموعة شعرية

د. سيد جمعة سلام



إهداء

أهدي هذه المجموعة الشعرية ...
إلى كل مسلم ومسلمة في هذه المعمورة ...
إلى مهجة قلبي والدتي أطل الله عمرها ...
إلى روح والدي رحمه الله تعالى ..
وإلى كل من قرأ ودعا لي بظهر الغيب .

د . سيد جمعه سلام

المقدمة

كلما قرأت القرآن ووقفت عند معاني الآيات، وكلما قرأت حديث رسول الله ﷺ، علمت يقينا أن هذه الأمة، سيمكن الله لها، فهي أمة منصوره وأن هناك بشائر كثيرة نراها بأم أعيننا الآن لهذا النصر وهذا التمكين، وما علينا إلا أن نتمسك بحبل الله المتين وصراطه المستقيم وهدى سيد الأنبياء والمرسلين، وأن نتعرف على ديننا أكثر وأكثر، وكذلك نطلب العلم من مصدره الصحيح، ونبذ الفرقة والخلاف، ونتعامل مع الاختلاف كما تعامل معه الصحابة والصالحون من قبل. ولقد وسمت هذه المجموعة الشعرية بـ (البشائر) لما بها من إحياءات للمعنى.

وكعادتى مع الإخوة القراء، هناك بعض العناوين بالعربية الفصحى، ولكن الأغلب منها يغلب عليه طابع العامية. الله أدعوا إلى ولكم السداد والهدى والرشاد، وسعادة الدارين. آمين...

أخوكم

دكتور / سيد جمعة سلام

USA، TX، Dallas

٠٠١(٣١٨)٨٢٨-٥٦٧٨

Dawah.drsallam@yahoo.com

www.sayedjumaa.com

|| ١٨ ||

مفتاح الجنة

لا إله إلا الله

حق و يقين بلا ارتياب

محمد رسول الله

رجل مهاب

لا إله إلا الله

الشمس والقمر

و الهضاب

فوق الجبل

في الأرض

في السما

فوق السحاب

لا إله إلا الله الرحمن الرحيم

بعطفه على البشر

و برحمته عايشين

الآخرة وفي جنته

نتظر لوجه كريم

رحمن في دنيانا

وفي آخرته رحيم

لا اله إلا الله الملك

هو الملك مستغنى

عن سواه

حياتنا وموتنا والكل

في يمينه

محتاج الى ربنا

كل ما عداه

لا اله إلا الله القدوس

تقدسست أسماؤه

ومنزه عن العيوب

ولا ليه شبيه في الخلق

ولا اله محدود

لا إله إلا الله السلام

الخلاص والنجاه

والمحبة للانام

عنوان دين ربنا

عزنا إسلام

والسلامه والسلام

والحصانه والامان

لا إله إلا الله المؤمن

خلق أسباب السعادة

والأمان

للمستجير والى استجار

واستعان

لا إله إلا الله المهيمن

دافع الضر

والبلوى

عليم السر

والنجوى

محيب من دعاه

لا إله إلا الله العزيز

عزيز ربنا حقا
مالنا رب سواه
عزيز كل من آمن
وحب الله
وذل العاصي
لا زانه ولا نجاه

لا إله إلا الله الجبار
جبر الكسير
أعطى الفقير أغناه
الأرض في قبضته
والسما في يمينه

لا إله إلا الله المتكبر
العظمة إزاره
منزه وكريم
متكبر متعالى
متفرد وعظيم

لا إله إلا الله الخالق

الموجد والمقدر
في طوايا العدم
بمحض الجود والكرم
بالحكمة والمشية
أوجد الأشياء

لا إله إلا الله الباريء
خلق آدم من طين
سلم من الآفات
وأبرأ المسكين
وفي خلقه له آيات

لا إله إلا الله المصور
في الأرض جبالا
وأنهارا
في الأرحام أشكالا
وأطوارا
وفي الأخلاق طيبا
وأشرارا
سبحانه المصور

جل في علاه

لا إله إلا الله الغفار

ستر في الدنيا

عن زلات

وفي الآخرة غفرها

هناك

وسمى نفسه

غفارا

لا إله إلا الله القهار

غلب وذل

الأشياء

قهر خلقه

بسلطانه

قهر بالموت قهر

بالداء

شيطانك اقهره

ونفسك

ودنيا الشهوه والأهواء

لا إله إلا الله الوهاب

وهب وبدون

حساب

سبحان ربي

وهب

يعطى وبدون

سؤال

المنعم الوهاب

لا إله إلا الله الرزاق

ما في غيره يرزقنا

وهو رب كريم

رزقنا علم وهدى

ومعرفه ويقين

نفتح خزائنه بالصلاه

ونكون من الصابرين

لا إله إلا الله الفتاح

مفاتيح الغيب في ايده

والكلمه كلمته

يفتح للعاصي بابه

ويغفر زلته

ويفتح الأبواب

بالرزق للعباد

وينشر رحمته

لا إله إلا الله العليم

عنده علم الساعة

يعلم ما في الأرحام

يعلم الحقايق

ولا شئ في الكون ده غائب

وأحاط بخلقه كله

وعده على التمام

لا إله إلا الله القابض

قبض الارزاق والنعم

مسبب الاسباب

قبض الأرواح بعدله

ويا النفوس بقهره

قبض الظلال والنور

والظلمه والسحاب

لا إله إلا الله الباسط

بسط الخير على عباده

ويا الفرح والسرور

هو إلى يعطى ويحفظ

ويمنع الشرور

لا إله إلا الله الخافض

أهل المعاصي يذها

والباطل المكسور

إبليس وناسه كلهم

كل شيطان مغرور

اخفض جناحك كن رحيم

وعلى البشر ما تجور

لا إله إلا الله الرافع

رفع السما من غير عمد

رفع الجنان والخور

رفع الصلاح والايمان

والحق يعلوه نور

لا إله إلا الله المعز

وهب وعز وغلب

وهو رب غفور

أذل بالمعصية

وأعز كل شكور

لا إله إلا الله المذل

أذل بالمعصية

بالشهوة وبالمال

أذل كل كفور

وكل جبار هلك ذله

ما شاف النور

لا إله إلا الله السميع

يسمع ندانا ودعانا

يسمع لها الأشياء

وهو اجس النفوس

سميع لكل دعاء

لا إله إلا الله البصير
شوف النظر والعبرة
في الارض والسموات
ربك يراك وبصير
لجميع الموجدات

لا إله إلا الله الحكم
هانت عليك المصايب
وربك رب حكيم
حفظك بمنعك للغضب
وبحكمته علمك
وسمى نفسه حكيم

لا إله إلا الله العدل
هو المنزه عن ظلم
في الاحكام
خلق السما والارض
وحقق النظام
بالظلم راحت دول
واتنكست أعلام

لا إله إلا الله اللطيف
في الليلة الظلماء
على الصخرة الصماء
يسمع دبيب النذر
يسمع خرير الماء
يعلم كل الامور
ويا الانين والخفاء
هو الى يلطف بنا
لضعفنا والبكاء

لا إله إلا الله الخبير
من غير لسانك ما ينطق
بيعرف الى في قلبك
أعلم بحال عباده
في الارض والسماء
الحاضر والى فات
والى في الارحام
والسحاب والغمام
والحياه والممات

لا إله إلا الله الحليم

يعفو عن السيئات
وان تبنا اليه قبلنا
واذا عصينا أمهلنا
يتجاوز الزلات
ويقرب المسافات

لا إله إلا الله العظيم
أعظم من كل عظيم
هو الصمد
عظيم بمجده وعزه
واحد أحد

لا إله إلا الله الغفور
ستر كل العيوب
غفار للذنوب كثيره
استغفره ها يحبك
ويبدل الذنوب
حسنات بس
أنت توب

لا إله إلا الله الشكور

الشكر من سماته

اعطى ما تقولش هات

هايفرحك ويزيدك

متعدهش الحسنات

لا إله إلا الله العلي

هو العلي في حكمه

وتعالى جل علاه

وتنزهت صفاته

كمال بلا منتهاه

ربنا فوق كل شيء

في أرضه وفي سمائه

لا إله إلا الله الكبير

كبير موجود

قبل الوجود

أفعاله وصفاته

على الاطلاق

في ذاته

لاشبيهه لمخلوقاته

هو الله الكبير

لا إله إلا الله الحفيظ

صاين ملكه ودايما

محفوظ من الزوال

وحظ العبد منه

يحافظ على الجوارح

والقلب واللسان

من قلنا وقيل وقال

لا إله إلا الله المقيت

بالمعرفة والنور

يا خالق الاقوات

أنت الصمد وخزائنك

في الارض والسموات

نلجأ إليك نسألك

يا عاطي الحاجات

لا إله إلا الله الحسيب

هو المكافيء والمحاسب

له صفات الكمال
يكفيها من كل شر
هو عليه الاتكال
عائب نفسك حاسبها
قبل وقوف السؤال

لا إله إلا الله الجليل
عزيز عظيم متكبر
صفاته صفات جلال
تقدس ذاته

وحسنت صفاته
الله رب الجمال
الله رب الجلال

لا إله إلا الله الكريم
يعطي من غير سؤال
يخفي العيوب ويكافي
رب الكرم وكرمه
كرمه على غير مثال

لا إله إلا الله الرقيب

محصى العمل والقول

ويكشف السرائر

ويرصد الاحوال

ويعلم الضمائر

هو الرقيب في الكون

لا إله إلا الله المجيب

الحال يضيق على العباد

ويزيد معاه الابتلاء

بالصبر في الضراء

والشكر في السراء

هو مجيب النداء

عنده الدوا والداء

يحب عبده ينادى

ويلح في الدعاء

لا إله إلا الله الواسع

بسط النعم بالجود

والرحمة والاحسان

ونفعنا بنعمته

ودفع عنا البلا

والشر والشيطان

ارحم تنال رحمته

ويحبك الرحمن

لا إله إلا الله الحكيم

في غاية الاحكام

خلق السما بحكمته

وفي غاية الاتقان

أتمها صنعته

وحقق الايمان

يدخلك جنته

وتشوف بديع حكمته

لا إله إلا الله الودود

في قلوب أوليائك يا الله

أنت الودود

تعفو عمن أساء بالمغفرة

وتجود

المؤمن الحقيقي

يحب الخير لغيره

ويملى قلبه خير

للناس ومش حسود

أبدا لا ولا حقود

لا إله إلا الله المجيد

أفضاله أفعاله

وجزيل عطائه

كثير

هو الغنى هو المجيد

وخزائنه مليانه

يعطى بدون تقتير

لا إله إلا الله الباعث

بعث الرسل لعباده

يهديهم من الضلال

وقت المحن يغثهم

من العجز بالرحمات

يبعثهم من قبورهم

للعرض والسؤال

لا إله إلا الله الشهيد
ولا شيء في الكون يغيب
عنه هو الشهيد
شهد لذاته في القراءان
أعظم شهادته بالتوحيد
نفسك جاهدتها وأتمنى
هاتكون قريب منه وحبيب

لا إله إلا الله الحق
الحق هو الله
لا وجود للوجود
إلا به
الكل هالك إلا وجه الله
مالناش غنى
عن بابه
العدل حق ربنا
وكل من جاء به
الحق هو الله
والى معاه الحق
يقوى ويعلى به

لا اله الا الله الوكيل
توكل عليه يكفيك
كل الامور في ايده
هو الحاسب يكفيك
هو القوي يحميك
هو الغني يعطيك
ولا يقفل في يوم بابه

لا اله الا الله القوي المتين
الله قوي هو المتين
خلق السما والارض
خلق الحياه والموت
خلق السنن والفرض
شديد القوه والقدرة
وبقدرته عايشين

لا اله الا الله الولي
بعنايته يتولانا
ورزاق وخيره كثير
يرزق ولا ينسانا

قريب منا معانا

ينصر يقهر عدانا

هو القريب ونصير

يحفظنا ويرعانا

لا إله إلا الله الحميد

من الازل الله حميد

الشمس والنور والهوى

الملك ملكه تسأله

يعطى ويزيد

وهب النعم للبشر

جد وحفيد

لا إله إلا الله المحصى

يحصي الظلام والنور

يحصي الرمال والشجر

وبحور مع أنهار

يحصي أعمال عباده

ويعلم الاسرار

ودقائق الامور

وميزان العدل جابه

خلق الجنة والنار

لا إله إلا الله المبدىء

خلق العوالم ربنا

على نسق الكمال

وأظهر الأكوان بكن

على غير مثال

عرشه مجيد

مبدىء معيد

والعجز في حقه محال

لا إله إلا الله المعيد

خلق الحياة والموت

رب الوجود

وكل شيء منه

بدأ وإليه يعود

عليك بذكره وكتر

من السجود

إليه نعود اليه نعود

لا إله إلا الله المحيي
بالمعرفة يحيى القلوب
يحيى الجسد والروح تعود
يحيى العظام ويشدها
والبذر في الأرض الكئود
ربنا الله في الوجود
حي وموجود

لا إله إلا الله المميت
ربنا خلق الموت
كتبه على الأحياء
أما القلب بالغفلة
كذلك العقل بالشهوة
كذا الإيمان مع الشبهه

لا إله إلا الله الحي
الباقى حيا بذاته
وكل حي في الجود
حيا بمدد الحي
وكل حي سواه

ليس بذاته حي

لا إله إلا الله القيوم

مدبر للكون

وسيد الوجود

فالمؤمن الحقيقي

يسبحه ويمجده

ويطول السجود

ويعبد المعبود

لا إله إلا الله الواجد

الكل إليه محتاج

رب العباد

وهو وحده واجد

نافذ المراد

سعته وغناه ربنا

يلا انتهاء

لا إله إلا الله الماجد

له الكمال المتناهي

وصاحب العز الباهي

يعامل العباد

بالكرم والجود

تباركت يا الله

يا الهى

لا إله إلا الله الواحد

واحد أحد

فرد صمد

لاند له ولا ولد

رب عيسى ومحمد

لا إله إلا الله الصمد

ربك صمد مقصود

نحتاج اليه بيجود

واذا أردت الصفاء

أكثر من الصيام

واترك معاه تملى

السىء من الكلام

لا إله إلا الله القادر المقتدر

كلاهما قدره
والمقتدر أبلغ
يوجد المعدوم
ويعدم الموجود
ويصلح الخلاق
فرض الصلاة والصوم

لا إله إلا الله المقدم المؤخر
يقدم أوليائه
يعصمهم من الشيطان
ويؤخر العقوبه
ويفتح الجنان

لا إله إلا الله الأول الآخر
كان الله أولا
ولا شيء معه
باقى سبحانه
بعد فناء
الخلق أجمعه

لا إله إلا الله الظاهر الباطن

الله رب واحد
أظهر علينا نعمته
محتجب عن
عيون الخلق
تجلى في قدرته
ونشر علينا رحمته

لا إله إلا الله الوالى
متفرد بالتدبير
القائم بالابقاء
الوالى المتعالى
المالك للأشياء

لا إله إلا الله المتعالى
متناهى فى علو ذاته
مستغنى عن كائناته
لا يجب عبد اختال
والى نسى ربنا
سبحانه المتعال

لا إله إلا الله البر

أحسن للسائلين
بحسن العطاء
وأعطى العابدين
جزيل الجزاء
لا يقطع الاحسان
بسبب العصيان
أدم علينا ياربنا
نعمة الايمان

لا إله إلا الله التواب
تاب العبد أناب
عاد بعد غياب
طمعاً في الثواب
لربه التواب
ستر في الدنيا ذنبه
وغفر يوم الحساب

لا إله إلا الله المنتقم
قصم ظهور الطغاه
وشدد على العصاه

والعاصي يمهله

ويمد له الامهال

أبدا لا يمهله

ويعاقبه بالنكال

لا إله إلا الله العفو

عافنا من شر الناس

من كل وسواس خناس

وأزل ذنوبنا يا الله

من ديوان الكاتبين

وعافنا واعف عنا

يارب العالمين

لا إله إلا الله الرؤوف

الله الرؤوف

شديد الرحمات

ورغم المعاصي

غفر الزلات

وأعطى النعم

وأنزل البركات

لا إله إلا الله مالك الملك
مالك الملك والملكوت
هو الحي الذي لا يموت
يعز ويذل من يشاء
ويعطي الملك لمن يشاء
المتصرف بالأشياء
بما شاء وكيف شاء

لا إله إلا الله ذو الجلال والاکرام
منزه ومنعم
وله الجلال
صاحب الاكرام
له الكمال
تواضع لله تذلل
تعرف الاجلال

لا إله إلا الله المقسط
عادل في الاحكام
وعنده الميزان
يحاسب الانسان

فالمؤمن الصدوق

يثقل الميزان

ويرضى الرحمن

لا إله إلا الله الجامع

ثواب وطاعه

انس وجان

سما وأرض

خوف وأمان

متماثل متباين

يوم القيامة يجمع

الاولصاف والالوان

لا إله إلا الله الغنى

هو الغنى عن العباد

متفضل ربي ودود

عن كل ماسواه

يحيب من ناداه

مفتقر اليه

كل ما عداه

لا إله إلا الله المغنى

مغنى من يشاء

عطاء وسخاء

فأظهر الفقر

وأحسن العطاء

واسأل الغنى

باعث الارزاق

من الارض والسماء

لا إله إلا الله المانع

يمنع البلايا

حفظا وعنايه

ويمنع العطاء

حماية وابتلاء

عمن يشاء

بيده السعادة

وبيده الشقاء

لا إله إلا الله الضار النافع

بالتقوى والهداية

اسأل ربك معايه
فوض أمرك اليه
هو النافع الضار
عالم الاسرار
ومقدر الاقدار

لا إله إلا الله النور
برهان وعرفان
نور القرءان
عين البصيرة

يا نور يا الله
تخرج من تشاء
من ظلمة العدم
والشرك والخسران
الى نور الايمان

لا إله إلا الله الهادي
هدى الطفل
لشدي أمه

والنحل برده

يبنى بيته

وهذانا لمحاسن

الاعمال

و المذنب هداه

للتوبة والامثال

لا إله إلا الله البديع

أنشأ ملكه

بلا احتذاء

بلا مثيل أو اقتداء

أو أخرا أو ابتداء

فادعوه دوما وأطل

أكثر من الدعاء

لا إله إلا الله الباقي

موصوف بالقدم

أحد بلا ابتداء

موصوف بالبقاء

دوما بلا انتهاء

ويبقى وجهه

باق بلا فناء

لا إله إلا الله الوارث

باقى بعد الفناء

وارث الاشياء

الأرض والسماء

لمن الملك اليوم

يرفع النداء

مات الجميع

وله البقاء

لا إله إلا الله الرشيد

لا سهو ولا إهمال

لا عبث ولا باطل

مدبر مقدر

رشيد فى الافعال

بالغ الحكمة

عظيم متعال

متصف بالكمال

لا إله إلا الله الصبور

الصبر مفتاح الفرج

والى ابتلاه ربنا

فى ماله ولا بالمرض

الصبر فى الدنيا أمان

من غير حساب

ندخل جنان

بالصبر هانول الفرج



|| ٢ ||

رسول الإنسانية

محمد الأمين

حبيب المساكين

رسول الإنسانية

رحمه للعالمين

ولد في مكة

الرسول الأمين

ومات في المدينة

بكاه المؤمنين

الحسن الوضاء

كالشمس كالضياء

حسن الثغر

وأسيل الخدين

رجل الشعر

عظيم المشاش

أُحِلَّ العَيْنين

وَاسِعَ الجَبين

مُحَمَّدَ الأَمِين

حَبِيبَ المَساكِين

بَصَقَ فِي عَيْن

عَلَى فُطاب

يَكْثُرُ قَلِيلُ الطَّعام

وَالشَّراب

وَوَحْشَ لآل

رَسُولِ اللَّهِ

يَقْبَلُ يَدْبِرُ

حِينَ يَلْقَاهُ

فَرَحًا بَلْقِيَا

رَسُولِ اللَّهِ

وَسَعَدَ مَجَاب

لَهُ دَعَوَاهُ

لَأَنَّ النَّبِيَّ

حياء دعاه

وحبر الأمة

عبدالله

صار اماما

يهتدى بهداه

ولما أشار

انشق القمر

وسلم على الحبيب

الحجر

وجاء اليه الشجر

ينداه

وعرض عليه الجمل

شكواه

وحن اليه

الجدع محبة

وسبح الحصى

بين يده

جاءت العوراء

تقول مذمما

وجلس أمامها

ولا تراه

ونام على

في مضجعه

يحب الموت

ويتمناه

وخرج الحبيب

يرمى التراب

على الرؤوس

وكلهم يغشاه

وفي بدر كان المطر

والغمام

وكان النبي يطيل

القيام

ويدعوا الله

وكان الامام

فأمن الله

وثبت الاقدام

فيا سيدى

كم دعوت الله

ولو مرة

أراك بالمنام

فأنت شفيح الورى

فى القيام

وحوضك شهد

عليه زحام

فذاك أبى

وأمى حبيبى

أحبك أفديك

سهام اللثام

فأنت القمر

وبدر التهام

وأنت البشاره

رسول الاماره

رؤوف رحيم

محِب السلام

سلام عليك

رسول الله

وصلوات ربي

على الدوام



|| ٣ ||

حياة السعداء

قالوا السعادة في الفسح
ويا السفر ومعه فانوس
عفريتته يطلع بالهبر مع ست حلوه
جنبها قنطار فلوس
ولا بأغاني مشخلعه لو حده ساقطه
مهكعه و مولعه
حجرين ومحتاجه الغموس
وكأنها شمس الشموس

لا دالسعادة إنك تكون راضي
وما تبصش وراك
هي السعاده إنك تحب الله
تحس أنه معاك

أيوه السعاده أنك
تفك القلب من اوجاعه

فضيها كوبيتك
وروق الدماغ وصداعه

واوعى تكون الراس
عشان تعرف تنام
هاتلاقى الكل حبك
ومعك على الدوام

السعادة إنك تكون مع ربنا
بإرادته وبانتظام

إنك تكون انسان فطن زكى
مش والسلام؟
ماترحش أيامك فى هم وخوف
ولا عشق وغرام

خليك ايجابى فى دينك
هى السراب سلييتك
ها توقفك وتشكك
ها تعيشك أو هام

وإوعى تكون إسفنجه

تاخذ كل شى

سمك لبن على تمر هندی

وكأنه مافى شى

ولا تكون إمعة

ما تعرف أى شى

إحفظ أوامر ربنا

فى كل شى

لا تخل حب الدنيا همك

ولا تنام والنفس مهمومة

عش وابتسم خلى ابتسامتك

على الخد مرسومة

واوعى تعكر دمك

ولا تهاب من ذمك

مفتاح سعادتك يابنى

إنك؟

حاسبها نفسك يسعدك ربي
ويكفي همك

لا تخلي يابني الندل يوم
ييصق في فمك

واياك تكون من الى يكفر أو يعفر
أو دا فنك

وسطية الاسلام يابني
روحك ويا دمك

الدين جميل ماتصعبوش ماتشو هوش
متحزبوش أجيال
ها تيجي تاخدها عنك

وخلي كل الناس تحبك
ويا خالك ويا عمك

كل السعاده في حبههم
أبوك وأمك

هي السعادة أنك تحب ربنا
حب النبي مع صحبته
وهي برده باتباع هدى النبي
مع محبة سنته

برده السعادة إنك تكون إنسان
بسيط ومث شيطان

المختصر إن السعادة في كلمتين
تقوى وإيمان

لا في جمع مال ولا ذهب
ولا حتى في النسوان



|| ٤ ||

البشائر

رغم الأسى والظلم
والطغيان
والناس في دنيا الهوى
وصحبة الشيطان
شفنا بريق النور
وصحوة الاسلام

ومهما طال الليل
يحى الضحى والنور
والشمس تصحى
والحقيقة تبان

إسلامنا حق ونور
ومش كلام في سطور

إسلامنا مش ارباب

ولا شيطان كذاب

حضارة عاليه وتاريخنا

عظيم ومهاب

إسلامنا نور ربنا

وعزنا وفخرنا

إسلامنا دين ربنا

وقمرنا وشمسنا

راح تعرفوا أننا أمة

رجال يا شباب

حتى أسألوا سلمان

ولا أسألوا خباب

شفنا البشائر كلها

صوت في كل مكان

عالي ومأذن توحد الديان

على كل شبر
في أرض ربي أدان

وناس بتسجد وتركع
ترتل القرءان

وبكل لون ولسان
على الخيول فرسان

اسلامنا للعالمين
للكل انس وجان

شفنا دعاة في الغرب
والحق له عنوان

الكل زى النحل نشيط
ومش كسلان

يبنى فنار للدين
ويعمره باحسان

اسلامنا لنا كلنا
اسلام لكل زمان

اسلامنا بالتكبير
ها يعرفه الانسان
إسلامنا حق وقوه
وسلام ونور وأمان



|| ٥١ |

الدجال

قرينا في التفاسير
عن اصله وملته

وعرفنا أنه حقير
إرهابي في حثته

في الشام هناك مطلعته
وكمان هناك خرجته

كل نبي أو رسول
حذر جماعته فتنته

كل الشرور والكفر
ها نشفها يوم طلعت

حتى عمر خاف

لما عرف محتته

قام النبي طمنه وأنا بينكم
لأها أكتبته

يا ما كثير من البشر
ها يسلكوا سكتته

أغلبهم الستات
ها يدوبوا في محبته

بعرف كثير أمثاله
في شكله وفي هيئته

كذب ودجل ونفاق
وكأنها سحتته
بيننا غريب وخفي
لكن زرع زرعته

معرفش فين تليفونه
ولا حتى فين شقته

سنة وشهور في الأرض

يلفها بصنعته

عند المدينة ومكة

يقف يشوف ذلته

ها يورى ناسه المعجزات

ويدعى نبوته

ينادى فيهم بالاله

ويوريهم قوته

يزرع ويقلع

وناره دى جتته

وبعد فسادة في البلاد

وسطوته

يخرج عليه

عيسى المسيح يشتهه

وبسيفه عند اللد

ينزل فشته

أعور بينادي أنا الاله

ياخبته ياكسفته

الكفر فوق راسه

ويين عنيه كلمته

اوعى تلاحقه

أوتشرب في يوم ميته

وعليك بسورة الكهف

تسهل عليك وقفته



|| ٦١ ||

الدنيا مش آخرتك

عايش حياتك فى التوهان
عايشها فى النسيان
عايش حياتك بلا انسان
عايشها فى الأكفان
ها تهرب ؟
رايح فىن من ضميرك ؟

إنت نسيت الطريق
ولا فقدت مسيرك ؟
إنت نسيت آخرتك
ووقفك ومصيرك ؟
الدنيا مش آخرتك
ولا سكتك يا جبان

تسرق وتنهب وتظلم
وتحارب الرحمن

وسجنت ناس أبرياء

في السجن يا سجان

إرحم ذا فوق ربنا

يقدر عليك يخسفك

وإذا كنت تقدر على الضعيف

بقدرته ينسفك

وفي دينك تنهان

وفي آخرتك يكسفك

مين انت من فرعون ؟

مين انت من هامان ؟

ولا قارون بشروته

كان عبره للثقلان

عوزك تبص في مخلوقات ربك

في كل مكان

إنت ايه في السما والبحار

ولا في الاكوان

بس نقطه في بحرها
مسكين يا انسان

إنت نسيت الطريق
ولا فقدت مسيرك؟

إنت نسيت آخرتك
ووقفتك ومصيرك؟

خليك بسيط وبلاش غرور
وتعالى في مشيتك

واوعى الشيطان يضحك عليك
وتنسى يوم وقفتك

يوم المعاد يوم التناد
ها تطول هناك حسرتك

يومها تشوف ذلتك في آخرتك
تنشف هناك دمعتك

أوعى ورد المظالم
وأعرفها فين سكتك

قوله يا الله عبدك
وتاب أرحمه عبدك وديرحتك



|| ٧ ||

طاعة ربنا

هي الحياة مزرعه

عطرها به الاحسان

ملك الجوارح طهره

وتنوره تنعان

وصلاتي فرضي النور

ودرب أمان

والصدقة حسنه

والدليل برهان

تمسحها دمه

محرومين

تطعم فقير

عدمان

والصبر مفتاح الفرج
ونصفه للأيام

قراءته ربي دستور
لكل زمان

يهديك ينور دنيتك في الزحمة
والتوهان

ويذكرك آخرتك
وهناك تلاقى جنان

يشفع اليك النبي
ويعزك الرحمن

اوعى في يوم تمشى فيها
سكة الشيطان

وابعد بعيد وجافيتها
صحبة الخسران

احنا بشر ربنا خلق
لنا الاكوان

وقال لنا نعبده الكل
انس وجان

خليها طاعة ربنا
نبراس ولك عنوان



|| ٨ ||

فاكره يامه

فاكره يامه لما كنا
نروح الغيط
ونعد سنابل القمح
لحد البيت

رغم التعب والعرق
وحر الشمس
أيامنا كانت
حلوه يامه
فاكره يامه السهر
في ليالى الشتا

وكلنا سوى أبدا
ماعمرى نسيت
ليتها تعود وأعود
ياريت ياريت

لسه فاكربيتنا
والفسحه الكبيره هناك
لسه برده مستنيه
ولا مليتي وانا مليت

على فكره يامه خايف
أوى عرفه ليه؟

أصل ملاعبي اتغيرت
ونقولى مش عرفاك
الشعر كله شاب
انتى عرفه انا طولت هناك

كبرت يامه
وانتى كمان أكيد كبرتى
هى كدا الغربه
يامه - غربه - تاخد وبس
سرقت أيا منا أحلامنا
ويا ما بكينا وشكيت

كل مره امشى

يامه غصبن عني
وكل ما امشي
تقولي روح وهاستناك
المره دي طالت
غيبتها بس لأما نسيت

لسه يامه مستنيه
أنا كمان مستنى؟
أرجع واعود للوطن
واتمنى يوم لقياك

أنا لسه فاكر كل الناس
جيرانى وأهلى كلهم
خايف يامه يكونوا
نسيونى مش مشكله
الناس الطيبين عرفهم
الى كبرت فى وسطهم

مش مشكله بس يشوفونى
يامه ماشى معاك

هايعرفونى يامه ويقولوا ياه
زمان بنستناك

الدم عمره ما يبقى مايه
ولا الاصيل شكاك

إنتى أمى ومصر أمى يامه
وظلى وسكنى

الله لا يورك يامه جفا الناس
ولا قساوة الغربه

نفسى أعود
ويعود كل غريب عن وطنى

دى ناس حسالة بشر
- فيهم التنظيف سفاك
دى مش بلدنا يامه

دى كلها صيادين وشباك

عرفك قلتلك تعالى
ويا ما نديتك أنا ابنك ويستناك

قلتي لا طيارة ايه امريكا لا
لا يمكن اروح ههناك

لا يا بني أموت في مصر
ويكون لي فيها تربه
خلاص يامه ها ارجعلك

ولا يهكم كفايه شتات
وانسى يامه بلا أمريكا
بلا هم بلا غربه



|| ٩ ||

الاقى زيك فين يا أمى

أمى يا أمى يا أطيب قلب
يا كل الحب يا حبيبى

لفيت الدنيا شرق وغرب
لا لقيت فى طبيبتك وحنانك

أنتى حببتى وقلبك طيب
قلبك منى تملى قريب
عائشه وهمك هو همى

الاقى زيك فين يا أمى
أمى يا أمى يا أطيب قلب
يا كل الحب يا حبيبى

جنة ربنا عند أقدامك
ربنا حبك علا مقامك

أُمى يا شجرة ورد وحب

أشوفك ربنا زانك
أشوفك شمس بتنور
تدفينى فى أحضانك

يا ما علشانى نسيتى راحتك
ولقيتك مش عايشه عشانك
عايشه عشانى ومن نفسك

أعطيتى كثير من أيامك
لفيت الدنيا شرق وغرب
لا لقيت فى طيبتك وحنانك

عايشه وهمك هو همى
الاقى زيك فىن يا أُمى

يا أغلى وأحلى الناس فى
زمان - راح الحب ملهشى مكان
أنتى الحب وياما ضحيتى

ولسه بتعطى كمان وكمان

يا ما أسيتى ويا ما نسيتى

ويا ما سهرتى ليالى زمان

عائشه وهمك هو همى

الاقى زيك فين يا أمى

أمى يا أمى يا أطيب قلب

يا كل الحب يا حبيبىه

لفيت الدنيا شرق وغرب

لا لقيت فى طبييتك وحنانك

عائشه وهمك هو همى

الاقى زيك فين يا أمى



|| ١٠ ||

عالم ضايح بلا إسلام

مالك مالك يا إنسان
تظلم في أخيك الإنسان

هو في عرف الناس
في زمن الرحمة حرام؟

ولا في عرف الناس
في زمن ضاع الاحسان

عالم عايش في التوهان
عالم ضايح بلا اسلام

بتشوف النار وقتابل
والموت في كل مكان

ليه بلا رحمة يا إنسان

خليت الدنيا ما فيها أمان؟

فيها رصاص وخناجر
فيها سمك في البحر صغير
فيها دموع وأهات وحيتان

فيها أسود وقروود وشيطان
عالم عايش في التوهان
عالم ضايع بلا إسلام

خليت الميه مش ميه
والشمس الساطعة مخفيه

خليت الهوا والنور دخان
مالك مالك يا انسان

تظلم في أخيك الانسان
ليه تتناسى انك انسان

ولا نسيتهها حلال وحرام

ولا تقولى ضميرك نام

ولا تقولى انك سكران

ولا تقولى بقيت حيوان

وفى غابة نسيت الانسان

ليه ربك خلقتك وأعطاك

سخرلك كل الآكوان

وبعقلك زانك وهداك

وبعلمك سهاك انسان

ارجع تانى شوف المعانى

لربك وأقرأ القرءان

عالم عايش فى التوهان

عالم ضايع بلا اسلام



| ١١١ |

لا تعاتب

تسامحني وأسامحك نتسامح
ننساه بكره وننسى امبارح
لا تعاتب ولا ينفع للوم
خليك طيب مش جارح

ننسى الذكرى المره هناك
وتاخذني بالمره معاك

لا تعاتب ولا ينفع للوم
خليك طيب واتسامح

تسامحني وأسامحك نتسامح
ننساه بكره وننسى امبارح

ليه نتخاصم أونزعل
أو ننصب لبعض شباك

ليه نخلى الدنيا تفرقنا
ونزرع بين وردنا أشواك

نزرع قلب ورد وحب
وبسمه تدوب كل ما فات

ليه تخلى أيامنا الحلوه
دموع وأنين وأهات وسكات

تساعحنى وأساعحك نتسامح
ننساه بكره وننسى إمبارح

لاتعتاب ولاينفع للوم
خليك طيب مش جارح



||١٢||

إتعلم

بعث النبي ربنا عشان
يعلمنا مكارم الأخلاق
ومصالح العباد والداء
معاه دواء
الرحمة والتواضع والصدق
والأمانة والعفة والسخاء
ويعلي همك ويعلمك القناعة
والصبر والحياء
ابعد عن الرزالة والجبن
والدناءه ومعاهم السفاله
وإياك تكون سقيه
طائش صاحب بذاء
وريح النفوس من الغدر
والخيانة والكذب والنفاق
إتعلم إنك أنت تبقى

عضو في جسد
العين هي اللي تبصر
والرجل تمشي بيها
وإذا كان العكس يا بني
يبقى الكون دا فسد
ولا تلوم إلى يأكل الملح
عشان عطشان
ولا اللي يشرب مايه
عشان لا ينام جعان
الطب للطبيب الصحفي
للصحافة والفتوى للفقهاء
وإلا الأمة ها تفضل جاهله
وعايشه في التيه
واتعلم التروي والحلم
والإيثار قرءانك لا تجافيه
مش عاوز إمشي
هوي واعرف إنك سفيه



|| ١٣ ||

حوار الطرشان

ليه قافل الطرق
حرب وخصام وعناد

وبين عنيك ١١ وإيدك
على الزناد

تشرق ليه وتغرب
افتح حوار وجرب

ربك عمل حوار
مع ابليس الكذاب

سهلها ياعم تسهل
وأكيد هتلاقى باب

غيرك اسمع له تملى
ومعاه شارك وساهم

عينك دايا في عينه
أكيد راح تبقى فاهم

لو واحد مش بيسمع
مربوط في حبل أعمى

لا الأعمى رح يشوفه
ولا هوها يسمعه

اتنين متعلمين
لابسين متهيئين

كلام سب وشتايم
قاعد بينهم شيطان

حوارهم بس عامل
زى حوار الطرشان

مولع الحوار وكأانه
ياناس مجاهد

واتنين لابسين عمام
واحد منهم كان نايم

بيحاور بس نفسه
والثاني كان مع نفسه

واتغير المسار
وطال الانتظار
والعالم كله شاهد



|| ١٤ |

شبابك يا مصر

شفّت شاب وهو شب ودينته
تقوى وإيمان

شاب مصرى يفرحك
وكأنه من الجنة وهمام

عاش فى امريكا واوريا
ما انحنى ولادينه لان

يملك الدنيا فلوس
وجاه وعلو شان

شفته فى الجامع بيدعى
ربنا ويستعان

أخطب الجمعة فى الوف
وكل ما عيني تشوفه

يفرح له قلبي
واحس بالأمان

علم وفضيلة وتربية
وهو حسن من حسان

أشرح علوم الدين
وهو يجي يسألني كمان

تعيش في أميركا ومصر
ولا حتى في اليابان

ولا حتى تعيش في مكة
ولا في جنوب السودان

المهم انك تخاف ربك
وتحسن زرعتك

واوعى تزرعها
في أرض بور

أوعى تعيش مع الى
عوزه زفة وصولجان

أما الأصيل الطيبة
كلها حب وحنان

ربنا يحمى شباب مصر
الحبيبة على الدوام

وأشوفها دايما دار سلام
أمن وأمان



|| ١٥١ ||

فيه حاجة غلط؟

لما يقوى القوى
على الضعيف ويذله
والدكتور لما يكشف
على المريض ويشله
والمفتى لما يفتى
للى بيسأل ويضله
فيه حاجة غلط

وأما المال صاحبه يشكى
ويمشى تحت ظله
والطيب قالوا أهبل
ولعرضه استحلوا
وحرام وحللوه
وحلالنا صار محله
والبستان خربوه
مات ورده ويا فله

فيه حاجه غلط

والجاهل لما يمشى
منقوش والناس تجله
ولا حمار المزابل
مختال والواد كأنه
مافيش زيه فى جماله
حتى ولا صغر سنه
والزوجه تذل زوجها
وتشوف بعينها ذله
فيه حاجه غلط

العدل راح والحق
الناس صارت تملة
والظلم غطى الأرض
إيه للانسان فاضله؟
وإذا شفت ضميرك نام
قوم اصرخ وقوله
فيه حاجه غلط



||١٦||

الأركان

دين الله هو الاسلام
بناه ربنا على أركان
نسخ الله به الأديان

خمس أركان معدوده
أولها الشهادتان

الله واحد لا اثنان
خضعت له كل الأكوان

ومحمد عظيم الشأن
رسول الله الى الأنام

ثانيها صلاة مفروضة
ركن ركين في الاسلام

خمس هن وبإتقان

بين الكفر والايان
معراج أمن وأمان

ثالثها زكاة مفروضة
بينها الله لثمان
ينمو المال بالاحسان
هكذا يرضى الرحمن

رابعها فرض الصيام
نفحات من رحمة ربي
وبخير رحيم منان

الصوم يزكى الإنسان
ويظهره من أدران

الناس تسبح وتمجد
وتصلى لرب الأكوان

بقيام وتهجد تركع
تسجد وترتل قرءان

في الجنة أبواب تفتح

للصائم باب الريان

خامسها الحج كذا فرض

قبلتنا الكعبة عنوان

فهناك قلوب مشتاقه

ووجوه يعلوها النور

ونداها سؤال الغفران

وزيارة أحمد نرجوها

ونزور هناك الشيخان

ست أركان الايمان

بينها ربى وأبان

نؤمن بالله الخلاق

خلق الانس وكذا الجان

وملائكة الله كرام

ليسوا كجن او انسان

الكل بأمر الله يقوم

لكل تفصيل وبيان

الكتب كذلك أنزلها

زبور قد أنزل حكما

وكذا التوراة على موسى

وكذا الانجيل على عيسى

أما محمد فالقرءان

فلنؤمن بالكتب جميعا

بلا حقد ولا نكران

والرسل جميعا قد بعثوا

بهداية خلق الرحمن

لا إله الا الله ولا إله الا الله

بل توحيد للديان

جميعا قد نادوا إسلام

السعادة أن تصدق بالقضا

ففى السعادة والشقا خيران

شكرا وصبرا هكذا الايمان
كن للقدر مسلما مستسلما
ركن قوى من الاركان

وكذاك نؤمن بالقيامة بعدما
ندفن وتأكلنا الديدان

وكذاك نبعث للحساب وإنه
نار تلظى أو رياض جنان

عددتها خمس من الاركان
وكذاك ست قواعد الايمان



|| ١٧ ||

يادرة مكنونة

ربنا فرض الحجاب عشانك
يادره مكنونه

وحفظك ربنا وصانك
من فتنه ملعونه

لا مش تظنى إنك حبيسه فى يوم
ولا مدفونه

او عى الشيطان يضحك عليكى
بفكره مشبومه

واوعى يابتنى تفرطى فى حجابك
ولا تبقي طائشه فى دنيتك
ولا تبقي مجنونه

وتلاقى نفسك فى الهوى تايهه

وحياتك بس مهمومه

حريتك شخصيتك وإيمانك

وهويتك في عزتك اسلامك

ويا الحياء مع الصلاة وعفتك

وتقوى الله هي رسالتك وعنوانك

يا أم الجمال الرباني حافظي عليه

ويا الحجاب يرضى عليكى ربنا

ويرضى عليه

ويفتح الابواب اليكى ويرحمك

يوم ما تلاقيه



|| ١٨ ||

الداعية المطارد

طريق الدعوة

مش مفروش بالورود

ضربوا النبي في مكة

قالوا مجنون وساحر

ولا عمره اذى بشر

ولا عمره كان حقود

سدوا الطرق كلها

وكتروا السدود

ولا الطائف بحاها

ستاتها ويا عياها

خرجوا على الجانبين

وحذفوه بالطوب

مشى النبي ييكى

والدم في قدميه

لقى نفسه في جنينه

والدنيا ضايقه عليه

يبكى ويقول يارب

أنا همى دعوتك

أنا هنت على البشر

وضعفت قوتى

وأنت قوى وموجود

هاجر الصحابه هجرتين

للحبشه مره

والمدينة والخلق شايفه

والملايكه شهود

تركوا الوطن والأهل

والدنيا وراهم

وهمهم دين ربنا

والجنة والخلود

أما النبى ربنا أسراه

وسرى عنه

وعلى البراق طوفه

السموات والوجود

الجنة شافها

وشاف النار وحراسها

والانبياء شافهم

والملايكة وفود

هاجر النبي للمدينه

وفي مسجده

كانوا الصحابه سجد

يسبحوا الرحمن

الى نصرهم عزهم

وفتح لهم المداين

قصة نجاح وصمود

وانهاره الدعوه بنشوفها

في كل مكان

بس الى حامل

شعلة الايمان

يتحمل الى هايجری

باطبط زی زمان

فی الطريق هایشوف کتیر

زی النمرود

المنافق والمرائی والی عقله

مش مریجه

والی قلبه خراب

ثعبان حسود

والی شیهه والی عتبه

والی حمالة الخطب

وأبوجهل مع الولید

كلها غابة أسود

نفسی أقولك اصبر

طریق الدعوة

مش مفروش بالورود



|| ١٩ ||

يا بلادي

اتبسمت وهى زعلانة

هنا وهناك متبعتره

مش عايشه قلقانه

أولادها شتتوها فرقوها ضيعوها

وبيعصرها الألم ولا عمرها تنسى

بتشتكى همها بعتاب مع همسه

قالوا فراعنه و مصرنا فرعنوها

الشام أرضها جزؤوها وفتتوها

والخليج أبعدوها وخليجوها

والمغرب والجزائر والتونسه

إتفرنسوا وراحت عليهم

إترسمت واتقسمت زى ما رسموها

متغربين متشتتين متفرقين

ليه يا اولادى أنا أمكم وبحبكم
أنا أمكم يا أولادى ومن سنين
عليكو بنادى

هنا أختكم مصر الكبيره
بتحبكم بتقولكم مدوا الأيادى
ونادوا فى كل نادى

بالوحده والمحبة
وشمسنا شمسكم
وبلادكوا هى بلادى



|| ٢٠ ||

يوم

هي كذا الدنيا تعاند فينا
ولسه برده فاتحين لها الأبواب

يوم تضايقنا ويوم تراضينا
ونفرقنا ويوم تلاقينا
واقفين على الأعتاب

ويقوم بنلاقى نفسنا متغربين
عائشين ما فيش أحباب

ويوم بنلاقى السما سوده
حياتنا سراب في سراب

ويوم بنلاقى نفسنا
عائشين أمل كداب

ويوم نلاقى السما مفتوحه
وترشرش علينا الخير

ومن غير أسباب

ويوم نلاقى نفسنا طائرين
فوق السحاب

ويوم نلاقى حباينا
ولمة الأحباب

ويو نلاقى نفسنا والكل غايب
عايشين عيشة أغراب

هى كذا الدنيا تفرحنا ونجرح
من غير عتاب

يومها كذا نتحملة نستقبله
ونقول يارب سهله

وارض علينا فى أوله
وفى آخره تسعدنا

تفرح قلبنا بمحبتك لنا
تغفر لنا يوم الحساب

|| ٢١ ||

الست العواصف

الست عواصف ريح صواريخ
وكأنها ما بتعرفشى محال
زعايب أمشير بتزعيب

الست عواطف أصدى عواصف
شافه الدنيا بعيونها
وعايشه حياتها وعال العال

وبتتايل وبتتخايل وبتتخايل
كله حياتها خيال

والست عواطف على التليفون
مع صاحبيتها ما فتنشى سؤال
تغتاب وتنم على الارضى

ولا رحمت حتى النقال

وساعات ولا خلت ولا وحده

ولاسابت حد في حبتها

الا أما جابت في سيرتها

على طول وتنتف فروتها

بس تخلص من قصتها

تقولك يا أختي حرام

من قلنا وقال

الست عواطف عوزه فلوس

رايحه وجايه على البقال

ولا الصالونات والديسكوهات

ومعاها سواق دايا شغال

ما بتهمدشي ولا ترتاح يوم

عائشه حياتها تأرجل على طول

ونفسها شديد ولا مية عتال

الست حفاتف فافي أوى

بنجورها جنان بردونها كمان

وتقولك ايه سيلتوبليه وكأنها

تفصيله فرنساوى يا بيه

ماشيه ولا بسه التنوره

وكأنها بنت صغيوره

خمسه فى واحد ايه عصنوره

ومعاها شنته وكاميرا وصوره

ما بلاش خيابتك وجنانك

لا تكونى عواصف ولا حاجه

خليكى عواطف بحنانك

ده حياتك والله زانك

ويطاعتك لله ودوامك

وصلاتك وهداك وصيامك

وحجابك زيتتك وسلامك

ها تكونى مرتاحه البال

يا عواطف



|| ۲۲ ||

کلام الله

شمسی ونوری هدایه

قمری ونیلی سہایه

حبی وقلبی ہواہ

قرءان ربی کلامہ معایہ

لیلی نہاری ضحایہ

أعطش هو ندایہ

فلی ووردی شذایہ

قرءان ربی کلامہ معایہ

فرحی وقدری ہنایہ

والنصر علی عداہ

ظلی ورحتی شفایہ

قراءان ربي كلامه معايه

أملى وكل منايه

هو الجنة معايه

ومن النار لي حمايه

قراءان ربي كلامه معايه

يغفر لنا ربنا وكفايه

يشفع لنا في النهايه

يرضى علينا ويمحو خطايه

قراءان ربي كلامه معايا



|| ٢٣ |

وجوه مسلمة

دفتر وصوره وكتاب
صورلى أحلى شباب
بنشوف وجوه مسلمه
متفائله متبسمة

فى الجامعه والمدرسه
شايفه حقوق ربنا
أجيال ومتعلمه

بتقرأ القرآن
وتصلى للرحمن
ويرفع الاذان
بيقين فوق السحاب

ياشمسنا يا فخر أمتنا
يا إيانا وديننا
هانلاقى عزتنا

والفقرا نحس بيهم

ودايما بنواسيهم

ومعاهم ونلاقيهم

إحسان على كل باب

طول ما أنت على بابه

ها تكون من احبابه

يرعاك ويسدك

يهديك ويرشدك

ربك يصوبك

أبدا لا يبعدك

طول ما أنت على بابه

يفتح لك الابواب

دفتر وصوره وكتاب

صور لي أحلى شباب

دفتر وصوره وكتاب

|| ٢٤ ||

خطط حياتك

خطط حياتك أوقف سكاتك
واوعى الشيطان يضحك عليك
عمرك يضيع من بين ايديك
يشربك أو هام ويأكلك أحلام
ويهمشك في الظل
يسهرك لا تنام
خطط حياتك واعرف أنت
هاتعمل ايه

وسيبك أنت من الفشل
وازاوي وليه
او عى تكون زى ريشه
في مهب الريح

لا عرفه ريجه فين
ولا حتى جايه منين

متعلقه متشعلقه ضايعه

وسط الزحام

لا فكره ولا الهام

راح تكثر الاحزان

والسماها تشوفها سوده

والليل يطول والنهار

ما بيان

وغربتك تقتل طموحك

والفشل عنوان

خطط حياتك أوقف سكاتك

واوعى الشيطان يضحك عليك

عمرك يضيع من بين اديك

وسط السكات والصمت

ودموع الالهات

دنيا الشتات ودنيا

الهم والأوهام

خطط حياتك واحفظ صلاتك
شمسك هاتطلع تجمع شتاتك

على غيرك انسى الاتكال
وبلاش بقه كتر السؤال
خلي اتكالك علي مولاك
وهتبقى عال

واوعى تسوف او تقول
بكره احتمال
خطط حياتك وقول يارب
هايكرمك
ولا فيه آهات وانسى المحال



|| ٢٥ ||

حب الأئمة واجب

الدعوة مش وظيفه
دي عمل الأنبياء

ولا هي وجهه
ولا حتى كمان رياء

الدعوة دي أمانه
عمل فيه اصطفاء

الدعوة دي إخلاص
خالص وبدون رياء

دعاه حاملين أمانه
ينادو بالإسلام

بالتقوى قول معانا
والصبر والإحسان

ينادوا للفضيله

والصفح والغفران

ربي يبارك خطاكم

ويسددكم عشان

يهدي أهل الرزيلة

والدنيا والشيطان

حب الأئمة واجب

وظاهر للعيان

ونحترم وجودهم

زي أيام زمان

حماة الشرع دول

أهل الدين والقرآن

لخوموهم المسمومة

من الغيبة والبهتان

والعقوبة معلومة

بالهم والحرمان

إياك تمد إيدك

بالإعتداء عليهم

أو تظهر النقصان

إياك تسد طريقهم

بالقوة والعدوان

إرفع إيدك معاهم

وحقق الأمان

إرفع راية الهداية

بالحق والإيمان

دين الوسطية حكمه

ومعاها اتزان

ربك عليم وحكيم

ربك عظيم الشأن

|| ٢٦ ||

البسلم الشافي

حب النبي محمد
البسلم الشافي

وشربه من إيده
من الكوثر الصافي

تكفيك هناك ترويك
ترويك يروح العطش
من بعدها وكافي

والنهر في الجنة
لمحمد المصطفى
من ربنا منه

والى وراه اقتفى
قرءان مع السنه

البسم الشافي

من العسل أحلى
ومن اللبن أصفى

البسم الشافي

أكواب يمين وشمال
من الذهب والفضه

هاتشوف كل الجمال
الناس هناك واقفه

وعلى الوجوه بسمه
دايمه ومش طافيه
والنور هناك وافى

حب النبي محمد
البسم الشافي



|| ٢٧ ||

داء الأمة

أهل الفساد والشر

في أمتي داء

كثر قد انتشروا

كالملح في الماء

ذوقونا مرار الفتنة

والجهالة والذل والعداء

ظلموا الأصيل الحر

وقطعوه أشلاء

العالم الى تلا

رسالة الساء

والى اتكلم كلام

كلام فيه البذاء

عن الصحابة وقال
جماعة القراء

عند الطعام كثير
مع العدو جنباء

ربك من فوق تعالى
بعت آيات بتتلى
أنه بالكفر باء

بنشوف اليوم وبكره
إلى يقول في الدعاه
كلام فحش وهجاء

مرض القلوب خطير
وخصوصا النفاق

محتاج لمعالجه خاصه

بالقرءان للشفاء

محتاج لكثير دواء
ونصوب الخطأ ونوقف
الوباء ونعالج البلاء

خير اللباس التقوى
قور وهدايه وضياء

وبدونها تلاقى نفسك
واقف وفي العراء

نعالج الى جاهل
وننشر المحبة
والخير ويا الصفاء

ونربط الحزام
ونلجم اللسان

ونسأل الرحمن

التوبه والغفران

العالم الربانى

والتاجر الحقانى

والجاهل الشيطانى

والى يغش وأنانى

اثنين فى ميزان الحق

أبدا لا مش سواء



|| ٢٨ ||

مولاي

مولاي قد نامت عيون
وأنت الحى والقيوم

بذاتك قمت على الكون
وأنت ياربى خالق النوم
تقول للشيء كن فيكون

مولاي قد غارت نجوم
والليل أغشاه السكون
وأنت الحى والقيوم

ليل نهار يتعاقبان
شمس قمر
يسبحان ويسبحان

رب عظيم خالق

الأكوان

فرد صمد خالق

الثقلان

الكل في طاعته

راكعون

ساجدون يمجدون

ويخضعون

الكل في قبضته

أرواحنا

أفراحنا أتراحنا

والمنون

ربي أرح قلوبنا

وأنم الهى

أعيننا قد أرقّت

وقد جفا

النوم الجفون

واغفر يا رب ذنوبنا

واستر

إلهي عيوبنا فكم وكم

وقفت على أعتابكم

تبكي عيون

يا سائلا عن سائل

أو نائب

مستنفر مستغفر

من سيد

عبد أيتك يا إلهي

مسترهما

فامنحني يا ربّي

هداك ورحمة

تسري بقلبي تمحو

همي والشجون

كلما صبح تنفس

أو تفتح ورد

فوق الغصون

أو غرد الطير

وسبح كلما

سبح المسبحون

إلهى وسيدى ومولاي

عبد أتك وأنت السيد

لولاك ما كنا ولا كان

الأمان وأمن الآمنون



|| ٢٩ ||

الله

الله الله الله

ما لنا رب سواه

فرد أحد عدل صمد

لا إله إلا الله

خلق السماء بلا عمد

وشق في الأرض النواة

الله الله الله

مالنا رب سواه

النور يأتي والظلام

والكون ربي قد ملك

والقمر نور للأنام

أرض تدور في الفلك

والطير في أعشاشها

والأسد في أوكارها

والشمس ضوء في الفضا

كل إلهي قد خلق

بطريقه كل سلك

آيات ربي كثيرة

عظيمة في الآفاق

الله الله الله

مالنا رب سواه

في النفس نلمح قدرة

العين ملح مائها

والفم عذب سلسبيل

الكل في الرأس معا

والكل يعمل باتفاق

عجب عجب لو ترى

سبحان ربي الخلاق

الله الله الله

مالنا رب سواه

فرد أحد عدل صمد

لا إله إلا الله

دل العباد عليه

في كل الوجود

والكل محتاج إليه

الواحد المعبود

وخزائن الله لديه

للمخلوقات يجود

الله الله الله

مالنا رب سواه فرض

فرد أحد عدل صمد

لا إله إلا الله

|| ٣٠ ||

أوجاع

أوجعنا كترت والجسد
ماعتش حاسس بالألم
والدم في عروقنا فسد

وحياتنا مره والأهم
وسوقنا بين الناس كسد
ومالنا قيمه في الأمم

تعب الجسد تعب شديد
حتى اللسان صار من حديد
إحساسه راح منه بعيد

ينادى يصرخ من جديد
وصوته في حلقه وبس

يا أمتى شايفك غريبه

متفرقه متبعثه ومتوجعه

إبنك حزين ومش سعيد

هو البكا عمره يفيد

بين النيل والفرات

أوجاع كثير وأهات

بتمر هناك ساعات

هم وحزن وسكات

الناس مبلمه متلجمه

واحد معاه دسته عيال

عايشين وبس على الفتات

عمال بييجرى ورا الرغيف

وياريتيه سالم من الحصى

ولا التراب ولا العاهات

حجات كثير متحمصه

يدخل سنانك تشتغل
طبله ومزيكا ونايات

والتانى بيربى فى بغال
الجهل سيدهم والفلوس
متلتله رزم الوفات

وأخينا سكران ومش
فارقه معاه كل الحياه
بس عايش فى الخنا

خمر وكاسات طبل
وصابجات ورقاصات

ولسه بتقولى حضاره
دى السفاله والمراره
بس مرفوع لها رايات

فين الخوالد والصوالح
والى للعز والمجد يعيد

والرازي فين مع ابن رشد
ولا ابن سينا فين وفين
هو فارسنا الجديد

بص في القنوات وشوف
ولا الكتب نطبع الوف
هي البرامج ايه غير

بنت حلوه تفسر الاحلام
وطبيخ وحظ تقول
وتزيد وفي الآخر نشيد

نشيد الجهل والفرقه
وذبح العلم والتباعد

فحالة أمتى صعبه
في الانعاش الامها يزيد
وأنا بنادى أصرخ وأعيد

تعالوا ننادى بالوحده

على الإسلام بلا تشديد
دين الحب والألفه
يلملنا شيوخ وحفيد

ويمسح دمة الحره
ويصبح جرحنا ذكرى
ونسلم كل يوم بشرى

تفرحنا شموع العز
وها تنور ليالينا بلا أوجاع

وتعلو شمس أيامنا
وتصبح عيد



|| ٣١ ||

جنة الخلد

هي جنة الخلد التي
طابت لأهل الصدق والإيمان

هي جنة المأوى التي
بها النعيم ليس بفان

أنهارها عسل مصفى واللبن
والماء والخمر والولدان

أبوابها حق ثمانية أتت
باب الجهاد كذا الصلاة
ويدعى الصوم بالريان

مفتاحها التوحيد والمفتاح
لايفتح إلا مع الأسنان

أبدا ولست بداخل

إلا بإذن الواحد الديان

أعمارهم ألوانهم قاماتهم
أوصافهم كملت دونها نقصان

هذا وأمة أحمد بالسبق تعرف
عند دخولهم لجنان

بناؤها ذهب كذا مع فضة
وكلاهما نوعان مختلفان

حسباؤها أرضها وخيامها
كل هي صنعة الرحمن

أشجارها وطيب ثمارها
كذا الظلال تروح الأبدان

كذا سماع الحور والألحان
والصوت يطرب الأذنان والأغصان

أما الطعام فلهم طير ناعم

وفواكه شتى وخمر والنسا
بلذة كملت لأهل التقوى والإيمان

هذا وخاتمة النعيم خلودهم
لا موت فيها ولا سقم
ولا كدر ولا أحزان

واعلم بأن غراسها التسبيح
والتحميد والتهليل والتكبير
وكذا التوحيد للرحمن

وكذا المزيد هناك فوز ثان
بعد الرضى فى حضرة الرحمن
مناديا وقائلا يابن فلان

هل تذكر اليوم الذي
بارزتنى بالذنوب والعصيان

فيقول يارب لقد نلت
الرضا منك مع الغفران

ذاك الجنان وذاك طريقها

فإذا أردت فقدم الأثمان

وأعلم بأن المهر معروف كما

أن العروس سلعة الرحمن

فاسلك طريق الحق دوما إنه

هدى النبي محمد كذا

القيام بحضرة القرآن.



|| ٣٢ ||

مصر المحروسة

مصر يا قاهره يا مصر النيل
يا حضارة وتاريخ وغنى وموويل
كل الدنيا شايفة ولادك

هم سلاحك هم عتادك
نار تكوي وتحرق حسادك
أبطال رجالة رافعين راسك

أولادك يا حبيبي يا غالية
رسموا لنا البسمة علي وجوهنا
واللي يحبك يدخل دارك

وطريقة طريقك وخيارك
بسلام وأمان يا أم احبابك
على صخرة مصر المحروسة
تتحطم كل الأحقاد

وهنرسم على خدك بوسة
وهنرجع تاني وتنعاد
أيام النصر يا منصور

بجنودك خير الأجناد
ربنا باركك في القران
الكل يحبك ويميلك

أهرامك والسد ونيلك
وبندعيلك كل أذان
يا جميلة يا أم الأوطان



|| ٣٣ ||

سبحانك

سبحانك سبحانك

خلقت كل البشر

سماك وأرضك والشجر

في الكون ده عبره ومعتبر

يا نفسي أمعني النظر

سبحانك سبحانك

الله جميل خلق الجمال

هو الغني عن السؤال

والعجز في أمره محال

موصوف تعالى بالكمال

والي في إيديه سهل المتال

بطاعته ودعاه في السحر

سبحانك سبحانك

يا رب شمسك والقمر

برد وشتا صيف ولا حر

الكل ماشي بمستقر

وكل شيء عنده بقدر

رب خلق كل الوجود

سبحانك سبحانك



|| ٤ ||

إيه يا زكية

إيه يا زكية يا بنت بهانه
حالك ليه مقلوب ويانه
سمعا كلامنا ومش سمعانه

عمال على بطل نرفوزه
شايل طاجن ستو وزعلانه
إسمك ليه منه بتتعري
مالها زكية ومالها بهانه

ليه مش عايشه حياة أهالينا
شايفه السما سوده وزهقانه
لازم كط وجينز مئمط
والتاتو وسلسله ولبانه

مابلاش فط ونط وشط
يا زكية جمالك وحلاكي

إنك تعرفي ليه خلقانه

إيه يا زكيه ما تهدي يا بت
مالك خاييه ومش عجبانه
عيشي حياة ناسنا وأهالينا

عيشي وخدي منا واديننا
هتحيبنا وتحبي لقانه

وانسي اللي تقصر تنوره
والي حياتها أغاني ولبانه
لبسه ومش لبسه وفضحانه

إياكي تنسي إنك إنسانه
إنتي فهمتي رسالتي يا بتتي
إنتي زكيه أكيد فهمانه



|| ٣٥ |

الشيخ جوجل

يا اللي قریتوا معایا کتاب
من الجامعه لحد الکتاب
ومشینا وديان وشعاب
للمعلم نفتح أبواب

شوفنا شيخ والله نصاب
تسأله ديا يعطي جواب
بس تقوله علي العنوان

يعرف أحاديث ويا القرآن
وتلاقي جيبه كتير مليون
ويلملم من كل مكان

من اللي لا بس والعريان
لا بيعرف أصل ولا أصول
وفتاوى شئ مش معقول

شويه يخرج أحاديث

وشويه تلاقيه مسطول

وينغي ويرقص ويقول

أنا شيخ قيمه وشيخ شملول

شوفنا كتير وياالشيخ جوجول

ولا مكسوف ولاحتي خجول

يتكلم في الدين وكأنه

القرضاوي ولا الشعراوي

وتالتهم الشيخ زغلول

وتلاقي واحد واقف يخطب

وتقوله مين شيخك يابني

أنا شيخي مافيش زيه يقولك

شيخ رباني كمان بهلول

تعبان عقله وواد مقفول

وتفهمه وتقوله ياإبني

إزاي نسر يساوي غراب
إنساه خالص سبيك منه
عرفه إنه الدين مش تين

ينفع يخلق لك نجار
ولا تخيط بالمنشار
يعمل عمليه الجزار

جوجل مفتي كثير ولا همه
على جنه نروح ولا النار

ولامعروف جده ولا هزار
انساه خالص وابعد عنه

جوجل ده أولاده كثير
علمهم نصب وتزوير

علمهم بردوا التكفير
علمهم لبس الطراير

منهم واحد يقرأ شويه

يعرف أياه ولا وحديث

يلبس توب عالم وكأنه

الألباني ولا ابن نفيس

يا خساره مش عارف إنه

شيخه جاهل وبدون تأسيس

وبيتعال أصله خسيس

ممکن يعمل لك فوازير

طبق اليوم شربة عصافير

طبقين محشى بالمنابر

انما يفتى ويعمل شيخ

لا دا حرام وعليه كثير

خاف ربك الدين مش لعبه

ولا وجهه وكلام تخييص

متظنش إنك مأجور

تكذب وتلف وتدور

والنبي قال مقعده في النار

اللي يبلغ عنه وعارف

إن كلامه كذب وزور

جوجل إيه بلا خيبه ثقيله

العلم دا هدايه ونور

أصله بحور في بحور وبحور

مش من جوجل ولا من ياهو

هو الجهل بعلم حد

ولا الظلمه تطلع نور؟



|| ٣٦ ||

قص ولزق ؟!

أنا في السفر شوفت عجب

كنت راجع من رسيدا

سفر طويل راكب الهوا

قعدت بجنبي في الطريق

بنت على الكرسي سوا

وكلها على بعضها حاجه

تقول غريبه

قامت وقالت بعلو صوتها

إزيك انت منين يا عم؟

على فين طريقك وشغلك إيه؟

وكلام كثير وإزاي وليه

أسمع واطنش وتقول في إيه؟

شوفت معاها قلم وفرشه ومرايا

وحاجات كتيرة أوي أصباغ وألوان

وقصه وحكاية

وشوفت كام علبة دوا

شوفت الضوافر والرموش

وشئ غريب ماتفهموش

نمت وخلاص وقولت يلا

ياما وياما الدنيا فيها

ياعم سيد طنش ونام

بعدين معاك ونشوف تاليها

ساعتين وقومت صحيت

وعن يميني بصيت

وفجأة هناك لقيت واحد

مش نفسها ولا هو ده رسمها

عديسات ورموش في عنينا

تاتو في كتفها وإيديها

كلها كده قص ولزق

بتقولي مش عارفني

جاوبت بلا وهي

تقول بردو لاطفني

معلش أصلي جاهل

يمكن عاوز علام

ما فهمش في الدهان

والدوكو واللحام وشغلات النسوان

أيووووووووووووووووووه

هي اللي تمشي مهربده

لبسه ومش لبسه كده

وكانها في سوق النخاسه

ولا تفهم الا في التياسه

وحياتها مليانه تعاسه

يا بنتي مالك فكري

إتعلمي واتزكري

كل كرامتك في الحجاب إستري

ومن هواكى والشيطان اتحرى

بالعفه والطهاره إتنورى

غضي البصر صلي وصومي

ونوري عنيكى بر كعتين

بالليل تصليهن تقومي

هتلاقى بعد الظلمه نور

ملكه تكونى يخدمك غلمان وهور

واقفه كده مع نفسك اذكري وفكري

وقرري

هتلاقى نفسك.... ولا عمرك أبدا راح

تخسري

|| ٣٧ ||

ليه تتكبر؟

ليه كرشك أكبر من راسك
عد لعشرة وخذ أنفاسك
بعرف أصلك أنا وأساسك

ليه تتكبر أهلك ناسك
وكان الدنيا ما فيها غيرك
وبنعرف شرك من خيرك

مالك كده شكل المصروع
مغرور وفي نفسك مخدوع
أصلها شبعه من بعد جوع

عندك صعر وماشي بجنبك
والكل معاكسك ومعاندك
ولا حد في الدنيا يساندك

على ايه ماشي ونافخ نفسك

لو دبانه في عنيك هتعاكسك

إحنا اولاد حوا مع آدم

وما فيش حد أحسن من حد

كلنا كده من مايه وطين

ولا ها نعمل مش فاهمين

مابلاش جزر معانا ومد

وبلاش تتكبر على الناس

وأعطي وخذ وانسى الوسواس

إبليس ربنا طرده احتاس

لما اتكبر شرب الكاس

كاس المرونار ومذله

وكفايه أنه التحرم الجنه

اللي إتكبر والخناس

تحت رجول الناس ينداس

مابلاش تتكبر وتشد

ولبابك تقفل وتسد

هاتعيش وحداني وتعد

في الايام راح تنسى الود

ولا ينفع عمك ولا جد

ليه منكوس إحساسك راح

وضميرك مات والأفراح

وحياتك مليانه جراح

خليك طيب وأعطي براح

الكل يجبك ترتاح



|| ٣٨ ||

أستغفر الله

أستغفر الله العظيم
من كل ذنب وأذنبته
من كل فرض وتركته
من كل إنسان وظلمته

أستغفر الله العظيم
من كل ظالم وصاحبه
من كل ناصح وأهنته
من كل محمود وسئمته

أستغفر الله العظيم
من كل حق وضيعته
من كل باطل وتبعته
من كل وقت وأهدرته

أستغفر الله العظيم

من كل وعد وأخلفته
من كل صواب وكتمته
من كل عرض وهتكته

أستغفر الله العظيم
كل ستر وفضحته من
من كل لغو وسمعته
من كل إثم وفعلته

أستغفر الله العظيم
من كل ظن ولازمته
من كل شك وأطعته
من كل ضلال وعرفته

أستغفر الله العظيم
من كل ضمير وقتلته
من كل سر وأفشيته
من كل أمين وخدعته

أستغفر الله العظيم

|| ٣٩ ||

ليه الحسد ؟

جبال كبيره نشوفها أصلها
من الحصى والذر
وبحار كثيره من حبات المطر

النار أصلها من مستصغر الشرر
العين دي حق وربنا حذر
من حاسد حسد وأسر

ليه الحسد ليه يا بشر
هو الحسد إيه الا شر
تتذي أخوك ليه الضرر

بعنيك تخلي الحلو مر
وبتعرض على اللي أمر
الي خلق كل البشر

إبليس على كبيره أصر

لما حسد عصي وكفر
وقاويل حسد قتل وفر
وشال أخوه سكة سفر
وشاف غراب يبحفر حفر
شاف خيته ولنفسه نهر

حقد وحسد ليل وسهر
ليل وظلام ومافیش قمر
حقد وحسد ظلم وقهر

على الى حسد خد الصبر
طريق اليك مع كل بر
وبلاش طريق حاسد فجر

النار بتاكل بعضها
لو كان ما فیش عشب وشجر



|| ٤٠ ||

دنيا العجايب

دنيا وفيها العجايب

رجالها ستات

أولاد وبنات

والكل سايب

مات الحيا منهم

تشوف بس المعاييب

وحده بترقص بطنها

باينه بتدلح

حولها شله بهلونات

وكل واحد هيولع

ترقص تغني وبتوعظ

عن المنكر ونكير

وكمآن لابسه ومش لابسه
انا عقلي خلاص هايطير

يا خيبه حاطه معاها وكسه
ده كلام كده ولا في الاساطير

وتشوف حاجات كده بلا تعليق
واقف كده وصدرك هايضيق

واحد عجوز عاكس واحده
حتى الشباب واحده بواحد

عاملين كامين قافلين طريق
يصطادوا فيهم بالواحد
وبنات ألوف لا مش واحده

طباع غريبه ومياله
علي طول يعاكسوا الرجاله
بحاجات قويه وقتاله

ومثلهم الأعلى حساله

هيفا وإليسا على عجاله

إوعى الشيطان يضحك عليك
ويغيرك

وكل ماتشوفه عنيك
يبعترك

ولا هواك تمشي وراه
يحبرك

والدنيا وما فيها تغير
منظرك

عشق النسا هيعذبك
ويسهرك

أكل الحرام هيسممك
وفي نار جهنم
يدحرك

بس افكر يوم ما هتنزل

منزلك

وابنك هناك في حفرة

راح ينزلك

وهناك ملايكه تسألك

وذنوب كتيره تحذلك

والى نسى ربه هلك

واللى في طريق الخير

سلك

في النور حياته وما هلك

بالرحمة يناديه الملك

ويقوله أهلا منزلك

روضه وحوور وكثير عطور

ربك هناك كل النعيم يشيلك

وتلاقى بعد الظلمه نور

رحمة هناك تستقبلك

|| ٤١ ||

ليه تغتاب

ليه تتكلم ليه تغتاب
ليه بتسب وليه عياب
ترضى الناس تتكلم عنك

ولاينم عليك كذاب
اللي تحبه لنفسك برده
حبه لغيرك سد ابواب

أبواب مفتوحة علي الغير
أبواب شر ومنع الخير
وإذا شوفت فلان مره
بيغتاف

قوله حرام غيبه وبهتان
لحم الميت أكله حرام

وإذا كان الميت إنسان

بين ضرسك وانياب و سنان

لحم ودم يا كالح بان

وإذا ظل يعيد ويزيد

قوله

امشى وسيبه

وقوله سلام



|| ٤٢ ||

الإرهاب

إرهاب إرهاب على الأعتاب
قاتل مرعب إرهاب كذاب

تتعصر وتقولي مسالم
وتسب الناس وتقول عالم
النبي عمره ما كان سباب

ومثقف عمال تتعالم
وبترسم أخلاق ومكارم

مقالات بتكتب ومظالم
والدنيا ماليا الإرهاب

قالوا الإرهاب دين الإسلام
إسلامنا سلام ومحبة ياناس
والعدل فيه حجر الأساس

دين الإسلام حرم وأبان
قتل الإنسان

دين الرحمة وسلام وأمان
مش دين إرهاب ولا تدفع كام

كل الأديان قالوا ده حرام
قتل الإنسان

حتى الإسلام رحم الحيوان
واللي حبسه بين القطبان
داق النار ويا الحرمان

واللي سقت كلب وعطشان
ربي رحما اعطاها أمان
بالمغفرة ورياض وجنان

دم المسلم عرضه حرام
ولا كتابي بعهد أمان

فكر كثر في الإمعان

وتواضع خليك حساس

زي الشمس وحب الناس

مش إرهابي شيطان غضبان

قوموا ياناس حاربوا الإرهاب

أطفال ونساء

رجال وياشباب

الإرهاب ده دمار وفساد

يأجوج مأجوج

ويا النمرود

قنابل صواريخ

طايره مع الريح

قتلوا اصحبنا

مع الاحباب

إرهاب كذاب

دى قلوب ماتت

دى ضباغ وذئاب

ولا يمشي معاها

ملام وعتاب

قوموا ياناس

حاربوا الإرهاب



||٤٣||

إصبر

إصبر فإن الصبر جنة

للسابرين هناك جنة

إصبر على الطاعة وكن

عبدا بحق لا مظنة

وقم لربك في الصلاة

خلف الإمام مكبرا

وللزكاة مؤديا صوما

وحجا للمناسك في تامة

وإصبر على بلواك

مثل أيوب الذي

كان مثالا للأئمة

إصبر فإن الله يرحم عبده

فهو الرحيم وللذنوب مكفرا

وإصبر عن الذنب فإن

الذنب يوم الدين علة

وللشيطان قل لا ألف لا

دنياك والنفس كذا

الشهوات والشبهات

وحل مذلة

واعلم بأن القلب

رخال ولا يبقى محله

فتن الليالي علي القلوب

أشد من وقع الأسنة

إصبر فإن الصبر جنة

للصابرين هناك جنة

واسأل الله الثبات

وقل يارب هداك أرجو
ودخول جنات النعيم

فاصبر فإن الصبر جنة
للمصابرين هناك جنة



|| ٤٤ ||

ياللي بنيت الأهرامات

ياللي بنيت الأهرامات
أوعى تقول القطر فات

اسمعي بس وخذ وهات
مرت كثير معاك أزومات

أنا عارف إن البحر صار بركان
وعارف إن الشمس غابت

والقمر في سمانا ماله مكان
وعارف إن اليوم كتر واقف على الجدران

ودموع يتامى تعبانين شقيانين
عاشين على الحرمان

وكرت الأحزان وطول السجان

سكاينه مسنونه ومحضر الأكفان

يا مصري قوم بتناديك مصرك
أمشي بقوة كن فارس عصرك

أوعى تقول إن الغلا عصرك
قوم حاصر اللي في يوم حصرك

وإرسم لمصر في أرضها قصرك
يا مصري قوم أقف بلاش تنطيط

إرسم حياتك وأعرف التخطيط
لا القعدة على القهوة هتنفع ولا
الرشوة والتزوير ولا السرقة مع التشفيط

إرسم حياتك وابني كمان هرم رابع
واوعى نخلي الندل يفكرك غبي وعبيط

يا مصري مين إنت ومين أجدادك
مصطفى كامل وسعد وعراي

تاريخ طويل يحكي بفخر أمجادك
مصر للإسلام للعروبة لأولادك

يا مصري أوعى تخلي مع اللئيم زادك
هيدهلك ويزلزلك ويعلى باستكرادك

يا مصري قوم لمصرك ربنا في عونك
بقوته وبهمتك راح تنمحي همومك

يا مصري قوم يا أسد
وأحفظ مكانتك أفتح أبوابك

للنصر في حطين وأكتوبر
زلزل الأرض تحت حسادك

يا مصري أنت كبير مع الأيام
كبير بعلمك وإيمانك علمهم لأحفادك

عاش في أمن ربنا الرحمن
وميتك نيلك مية من الجنان

قوم يا أسد اصحى من نومك
لا تطول الغيبة وفرحنا بقدمك

قوم يا أسد وارفح الأعلام
يا مصر يا أمنا اهديكي
عمرى وحياتي وفرحتي

يا مصر يا مصرنا اهديكي
دمي وإرادتي ومهجتي

يا نور منور طريقي وخطوتي
يا مصري قوم لمصرك ربنا في عونك
بقوته وبهمتك تنمحي همومك

يا مصري قوم بتناديك مصرك
إمشي بقوة وكن فارس عصرك



فهرس القصائد

الموضوع	الصفحة
إهداء.....	٣
المقدمة.....	٥
١- مفتاح الجنة.....	٧
٢- رسول الإنسانية.....	٤٤
٣- حياة السعداء.....	٥٠
٤- البشائر.....	٥٥
٥- الدجال.....	٥٩
٦- الدنيا مش أخرتك.....	٦٣
٧- طاعة ربنا.....	٦٧
٨- فأكره يامه.....	٧٠
٩- ألاقي زيك فين يا أمي.....	٧٥
١٠- عالم ضايع بلا إسلام.....	٧٨
١١- لاتعائب.....	٨١
١٢- إتعلم.....	٨٣
١٣- حوار الطرشان.....	٨٥
١٤- شبابك يا مصر.....	٨٨
١٥- فيه حاجة غلط؟.....	٩١
١٦- الأركان.....	٩٣
١٧- يا درة مكنونة.....	٩٨

الموضوع	الصفحة
١٨- الداعية المطارد	١٠٠
١٩- يا بلادي	١٠٤
٢٠- يوم	١٠٦
٢١- الست العواصف	١٠٨
٢٢- كلام الله	١١١
٢٣- وجوه مسلمة	١١٣
٢٤- خطط حياتك	١١٥
٢٥- حب الأئمة واجب	١١٨
٢٦- البسلم الشافي	١٢١
٢٧- داء الأمة	١٢٣
٢٨- مولاي	١٢٧
٢٩- الله	١٣١
٣٠- أوجاع	١٣٤
٣١- جنة الخلد	١٣٩
٣٢- مصر المحروسة	١٤٣
٣٣- سبحانك	١٤٥
٣٤- إيه يا زكية	١٤٧
٣٥- الشيخ جوجل	١٤٩
٣٦- قص ولزق ١؟	١٥٤
٣٧- ليه تتكبر ١؟	١٥٨
٣٨- أستغفر الله	١٦١

الموضوع	الصفحة
٣٩- ليه الحسد ؟	١٦٣
٤٠- دنيا العجايب	١٦٥
٤١- ليه تفتاب	١٦٩
٤٢- الإرهاب	١٧١
٤٣- اصبر	١٧٥
٤٤- ياللي بنيت الأهرامات	١٧٨
الفهرس	١٨٢

